



## Nyanpa—Watson Goodman

Illustrated by the author

## ATANG MEPU JAMPU

“Atang Mepu Jampu,” hatao-a AJAOLAI mepu ngaolan shai-jumpu ngohnang Taolan te jamlaka Ajaolai hei ngohnang she to-e atinglaknang.

Kawang ngao “Atang Mepu” hatao a ajao lan yimpu mongjang jingne jampu ayong ngohnang. Aobe kata ja monglep-e unu janlakei, aobe Jisu Khrista I mongjang me nyoilakei, huyange aobe Jisua U yinyipa she yalakei, huwante Nokpupa yoi nying te meangpalandang te ngailak, huyange meangpalan mongjang te yoi mongmei, to-loime phalak. To e 1937 me wangpu tenyih ngoie taopa wo yiphenbe kawang phe ngohnang. Tao-e numano Nokpupa te jafyange nang yinyipa she yahtao she einang.

—Watson Goodman

Hüyangpoi teman üneo ünupalan ngohwante, teman jingne Khrista lipuwe, hatüowe Kahwange I yoi kenpu jeng temante saki phanang.  
—Rome 5:8

Hatüo shaaji yinyepu mo shishao ne ngoh. Jesuwe tüopa kahtok angyange Ipa tangte tailak I hipak ngoiteki she shing. Kahtoknyu me I jingne aoyin ngoh imante Iye jinte ken, hüyange Iye imante üküm ngoiye ken.  
—John 13:1

Aoheye kenneyetei Iye Kahwang yeshing; hangjingne Kahwanga kenpupa. Kahwang halom kaiye teman üyin ngohlak jingne,

Kahwang I kahtoknyute shon; tüome temante Kahwange kenpu ütahte ngai.  
—I John 4:8, 9

“Kahta jawe yoi shümpa jingne üyin phenne phapu tokte üyongpa hango yenang.”  
—John 15:13

Hüyange monghümpu saki, lipulan mepu üwangne puhpu, hüyange kahtoknyu ahngpalan tangme wanglamlampu Jesu Khrista mepu numan tangte ngohtüo.  
—Ütahte ngaipu 1:5

“Hangjingne Kahwange kahta nyuhate hüke kenpuwe aoyinne Ite ütinglak lakei yemahlak hüyangpoi jintepu üyin ngohlak jingne Iye yoi halom pha.”  
—John 3:16

Ngao nüngneilak yenang, lowe angpu üyonga teman wanglam! I mei me ütahte ngai, Yaha me tingetampu tüo, wangdang shongnyingpalane nge, jatlan yo me nyaowe tam, kahtoknyu me yelakpe mengteki, müktishiwa me woi in.  
—I Timothy 3:16

Üwangne kahtoknyu lingshao me Ngao ngoh; I Kahwang phei ngoh, hüyange Ngao Kahwang ngoh. . . . Ngao kahtane meng hüyange teman phei ngoh. . . . Ipa mepu I shaha ra ne munge hatüo müktishiwa pu Iye tüoyangki.  
—John 1:1, 14

Tüolan khongküm Nokpupawe hipa kaiye ngaoyangpu ütahte

ngailak jingne, aoheye i: “Üjao naoya püm yekengpe ngailak hüyange netan moiya pailak, hüyange imane Ite Emmanuel she minlak.” hanghete leppu,—“Kahwang teman phei ngohnang.”

—Matthew 1:22, 23

“Üpa hüyange tao ja.”

—John 10:30

Jesuwe Ite i, “Philip, tao numan phei hüshinne ngohyapoi, nange tao yeshing a? Aoheye tao ngeyangki Iye üpa ngeyangki. “Tomante üpa haopha she” nange hangne ipu? Tao üpa me ngohnang, hüyange üpa üme ngohnang she nange üting yelak a?”

—John 14:9, 10

Aoheye Jesua Kahwang üha she janlakei, Kahwang Ime ngohnang, hüyange I Kahwang me ngohnang. —I John 4:15

Hüyange wangdang shongnyingpawe yhate i, “Üjao Yaha nangtang me peilak, hüyange ütaha üngan yashüm me nangte küplak; tüokhei puh ne ngohpu nehate üjaopa, hüyange Kahwang üha she nyiklak.” —Luke 1:35

I yelakpe ngaowe ngohwante, yeonge jaopu wangphomme iman nyeih, hüyange wangphom mepu ngao jawe hüke i, “Hatüo ümongkenpu Ha, aoheme tao yeonge monghah nang; Ite jaiyah.” —Matthew 17:5

Jesuwe Ite i, “Nange I ngeteki, kahwang Aha hüyange nang phei aohe ngaoyapei tüowa I.” —John 9:37

Hangjingne Ime Khrista Jesu Honyongpa ütingpa üshei wangngoiye püm noshepu ngohnang. —Colossia 2:9

Imane üngwen, “Kahwang Üha, nange toman phei hanghi linglak ngohnangki? Hipak manngoipe toman ponghahne nang tüome peipu a?” —Matthew 8:29

“Üjingne paa, Üpawe taole hüyange kahtok nyute tao shon. Hümaa, taowe Kahwang üha she ipu jingne taowe Kahwang ye-i-yesheja she numane iye ok?” —John 10:36

Jesuwe jane i: “Numana üphanpa mepu, tao ütök pa mepu. Numan tüopa kahtok jing; tao tüopa kahtok jingne yeje.” ... Jesuwe imante i, “Taowe numante üting iphaning;” “Abraham manpuh pe muh tao ngohyangki.”

—John 8:23, 58

Shekonyuwe Ite i, “Khrista she nyikpu, Messiah peilak taowe shingnang. Aohe I peilakei Iye tomante khongkümpu iphalak!” Jesuwe janne i, “Tao aohe ye nangphei ngaonang, Tao I ngohnang.”

—John 4:25, 26

Jesuwe imante i, “Tao üyin hahying.” “Aohepa ütangte pei I aohepeo sheyenyao lak; hüyange aohe-

ye üte ütinglak lakei aohepeo yeng ye lelak.”

—John 6:35

“Tao aohe kahtoknyu me ngoh tao kahtoknyu wangngai.”

—John 9:5

Tüökhei Jesuwe imante üneo i: “Taowe numante ütingpa iphaning: Nyilan jingne tatenna tao.”

—John 10:7

Jesuwe yhate i, “Tao yang yepu hüyange üyin. Aohe üte ütinglak lakei I liyapoi üyin ngohlak.”

—John 11:25

Numane üte konnyaopa hüyange Nokpupa she nyik; hüyange numane shuwe nyikyanki, hangjingne hatüowa tao.

—John 13:13

Iye ükhongte hüng tangme shotlak jingne ngaopha. Tüophei me Iye ankhaio nga hüyange nyia ni jon, wangdang yete lei hüyange kahwangte minyong pha; hüyange ao pe Iye an paikhui pinlante Iye pha, hüyange pinlante ükhongte pha. Iman manmoh manmoh hah; hüyange topu ükhui ünyai imane shaijemme yowante, muhto penme ni maawe ngoh. Hahpulan, sheko hei nahalan ye i pe kahta haja nga nanjing ngoh.

—Matthew 14:19-21

Simon ne jan, “Nokpupa wangnyak phapan toman yeonge ngangyangki hüyangpoi hango yeom.

Hüpoi, nange iphei maa taowe shan shaiye nyaohu hahma.” Imanne shana shai hüyange shanno hüt lak pane nyia maawe om.

—Luke 5:5, 6

Mükmüopa ni, lamnah me shotte ngoh, hüyange Jesu peingang she imane jai hüyange üngwen, “Üyongpa, David Üha, tomante shüpshepha.” Jesu lak, . . . “Taowe numan jingne hanghe lingne tamhunangki?” Imanne Ite i, “Üyongpa, nange toman mük epe tampha.” Hüyange Jesuwe yayenge teiyange iman mükte jon. Tüophei me iman mük ep hüyange I pheite woi.

—Matthew 20:30, 32-34

Hangjingne wangdang me hüyange kahtoknyu me toi üshei, ngepu hei yengeokpu hanghe ngoh, ahngpa shotjing jeyah, ahngchinglan jeyah, ükengnyulan jeyah, wongpheipulan jeyah, üshei Ime ling; I kaiye hüyange I jingne üshei lingengai yangki.

—Colossia 1:16

Sheminlamphe I kaiye ngai, hüyange I yeompe ülam ja nehoi yengai. Hangyin linge ngaiyangki.

—John 1:3

Hüyangpoi tüopa jin üküm yeme I Ha, aohe Iye üshei mothleilak le, hüyangne aohe kaiye Iye

kahtoknyu ling, Iye temante ngao ngaoteki.

—Hebrew 1:2

“Tüokhei tüopa Jesu aohe numane tangpem me toi, Kahwange I Nokpupaneo hüyange Khrista neomenge tam she Isreal nokphong üsheiye ütingme shingyah.”

—Lamputoi 2:36

Hangjingne lipu hei üyin ngohpu ni tangte Nokpu ne mengne Khrista li hüyange yange ye.

—Rome 14:9

Kahwang mong hümlakpa, aohe kaiye numan I Ha Jesu Khrista pheishüppe shalak jingne nyik, I teman Nokpupa ngohnang.

—I Corinth 1:9



... Hangjingne teman üshei Kahwang ngao phenpu shongme yonglak. —Rome 14:10

Taowe Kahwang shongme, hüyange üyinme ngohpalañ hei litepulan ngao phenpa Khrista Jesu shongme, I ngaipu hei I ahngchinge nangte ngaokeng phanang. —II Timothy 4:1

“Üpawe aoheteo ngao yephen, hüyangpoi ngaophen lak wong khongkümpu Iye üha te phayangki.” —John 5:22

“Aope kahta üha yoi müktishiwa puphei hüyange Iphei wangdang shongnyingpalañ üshei woyange yulakei, hüwante I yoi mü-

ktishiwa shotjing me shotlak; hüyange jatlan üshei I shishao me jemlak, hüyange Iye nyilan yak jah yeme.” —Matthew 25:31, 32

Aope Kahwange taowe nyaopu pungao ümei kih Jesu Khrista kaiye kahtalan mongjangme lowe teipu jutei ngao phenlakei, tüonyih me ngaokeng jonne ngohpalañ tingetamlak. —Rome 2:16

“Hüyange üyin me ngohpalañ hüyange lipulan ngao phenpa aohé Kahwange le-ngai, hatüowa I she kahtalante konnyaolak hüyange saki phalak tomante ngaokeng pha.” —Lamputoi 10:42

“Tao taten. Ütam tao kaiye ongmaa yinlak, hüyange yulak onglak hüyange hahnioi tüolak.”

—John 10:9

Jesuwe Ite i, “Lamnyu hüyange ütingpa hüyange Üyina tao. Tao yekai maa üpa tangte aoheo peine yeok.”

—John 14:6

“Tüokhei taowe numante iyangki, numan ünü me numan lilak. Hüyange ‘Taowa I’ she üting manlak manlak numan ünü me numan lilak.”

—John 8:24

Hüyangpoi Khrista Jesu me hanghepa yinyepu ngohnang, hatüo kaiye I shüpshiye iman ja jang jawe tingetam. —Rome 3:24

Hüyange I wangngoine tamyang pheime, Ite ngao jaipu üshei jingne I üküm yenangpu yinyepu üjüngne meng. —Hebrew 5:9

Tüokhei aoyinne I kaiye Kahwang tangte ü-ote peinang, Iye iman jingne, yoppetonglak jingne jinte üyin ngohpune mengine, Iye üshei me meimeiyeye iman yinne oknang. —Hebrew 7:25

“Hüyange ülao aohemeo yinyepu yenang, hangjine teman hanghe kaiye yinyelak, wangphang me kahta yo me ülao min hango phawe yenang.” —Lamputoi 4:12

Hüpoi Jesu, aohe teman jingne Kahwang mepu konngan hüyange üjaopa hüyange jaowetampupa hüyange yinlakpa ne meng, tüopa Khrista me numan Kahwang mepu ngohnang. —I Corinth 1:30

Iye temante ünu üshei mepu yinlak jingne, hüyange toimei me lahnyikke yoiye yahlak kahta ük-hongja yoi jingne jaowe salak jingne, yoi nying nyingke teman jingne pha. —Titus 2:14

Hüyange Üpa, aoheye wangngai me üjaolan moth teitampalanne mengne teman wangngoine tam, numane I min yonglak jingne taowe yopnang. Hangjingne

Iye wangnyak üngan mepu teman yin hüyange yoiye kenpu Ha ahngching me teman ye-yeang; Ime teman yintemlak ngohnang, tüopaa teman ünu winpu. —Colossia 1:12-14

“Hangjingne Kahta Üha yam-lak hüyange mahpu yinlak jingne pei.” —Luke 19:10

Hüyange imane Hem üla ja loke i: “Laitée yahlak hüyange tüopa yepinlakpa tüppulan eplak nange wangnang, hangjingne nang toiyangki hüyange nange yoi iy ye kahtalan Kahwang jingne shakyangki, Nokphong hei yenghoi, hüyange jat hei li üshei mepuwe.” —Ütahte ngaipu 5:9

Shaa Khrista iy kaiye teman tingetam pu jingne, tüome monghah-e, Kahwang mongshih ngaipu mepu teman I kaiye yinyelak.

—Rome 5:9

Khrista shüpshe toinyuke temane Khrista me I iy kaiye teman yintam, hüke teman ünu ümeng winpu tüo.

—Ephesia 1:7

“Hangjingne hatüo jiengjeppu Ü-iy, maapu ümenglan ünu winoklak jingne, shokke winnang.”

—Matthew 26:28

Numan puyimlan memuh jonne peipu jajang japu üyin wanglam mepu, mahlakpa toi, hon hei khümme numan shakpu ne yeje; hüpoi üko hüyange tushangpu ye-

nangpu nyi üha toinyu iy, hüke Khrista iy kaiye numan shakpangki.

—I Peter 1:18, 19

Hüpoi I hangke wangngai me ngohnang, hüke temane wangngai me kemmaa, teman shümpa hei shümpa ni shüppe shapu ngohnang, hüyange I Ha Jesu Khrista iy kaiye ünu üshei jaowe tamnang.

—I John 1:7

Hümaa, Khrista, aoheye jinte üküm yenang Yaha kaiye üko yenangpe yoi nying nyingke Kahwangte to, I iy kaiye üyin Kahwang shaoshanlak jingne numan juteimongjang toi ümanglan mepu hangke ünyei jaowetamnang!

—Hebrew 9:14

Hangjingne shüpshe kaiye ütinglakpu kaiye numan yinnang. Hüyange tüopaa yoi nying nyingke yeje, hüpoi Kahwang hünghao hüyangpoi aoheo yeyong yelüolak jingne, tüopaa toiye yeje.

—Ephesia 2:8, 9

Tüokhei ütinglakpuwe tingetampu jingne, teman Nokpupa Jesu Khrista kaiye temane Kahwang pheï toloimei me mongmeï hah.

—Rome 5:1

Hangjingne Khrista Jesu pheï shüppe shapu me, shokhüppu hei yekhüppu hangheo yenang. Hüpoi yahyeng kaiye ütinglakpuwe toi lingnang.

—Galatia 5:6

“... Nokpupa Jesute mengtuo, hüyange nang hei nenok yinlak.”

—Lamputoi 16:31

Hangjingne aohe Kahwang mepu puh, Iye kahtoknyu oknang; hüyange okpupa hangheye kahtoknyu naonang tüopaa teman ütinglakpu.

—I John 5:4

Hatüo laitep me ye-nyanpu, yepinlakpa toi maawe Jesuwe I pinlan pheï ling; hüyangpoi numane Jesuwa Messiah, Kahwang üha, she üting lak lak jingne, hangjingne numane ütinglak maa, I min me numane üyin tüolak jingne, hatüo yin nyianyangki.

—John 20:30

Hüwante teman nying nyingke lingpu üjao toiye yeje, hüpoi I yoi yahyeng shüpshe kih-ü nische puhlak jingne baptipu hüyange Üjao Yaha ülane mengtampu kaiye Iye teman yintam. —Titus 3:5

“Hangjingne mahpu yinlak jingne kahta üha pei. Numane hangke teinangki? Kahta jawe nyi-khoja ngoh hüyange iman yo me ja lamnyong yete taimahmaa, Iye tepelijapentu waktang yeme angyange hüyange leih-e yeye lamnyong yete tai mahpupa yeyam a? Hüyange Iye tüopa tüomaa, ütingme taowe numante inang, ünyong yete yetaipu tepelija-pentu phei shenyeishe tüopa ja

tangme I mongmei nang. Tüolan üjoilan yo me ja nehoi mahlak jingne wangdang me ngohpu numan üpawe yemong.”

—Matthew 18:11-14

Tüokhei temane yahyengshüpshe yah-oklak, hüyange wongpong hipak me temante jamlak shüpshe tüo oklak jingne, monghümpu phei shüpshe ahngpa shotjing ü-ote teman wenhah.

—Hebrew 4:16

Teman Üpa Kahwang hüyange Nokpupa Jesu Khrista te minyong tüo, I mepu hanghepa wangmanpu shüpshe hüyange üneo Jesu Khrista lipu üyin pha.

—I Peter 1:3

Iye teman yin, hüyange üjao nyikpuwe teman nyikyanki; teman toike yeje, hüpoi Iye mongpu hüyange shüpshe hanghepa jin ükhong wangshao me üwangne Khrista Jisu me temante phawe ngoh.  
—II Timothy 1:9

Hüyange Yaha hüyange nyamnyanyuwe i, “Peikei.” Hüyange aoheye jainang Iye, “Peikei,” she itüo. Hüyange aohe yenglenang I peine tamtüo; aoheye mongnang Iye jajang japu üyin yeng yahyah.  
—Ütahte ngaipu 22:17

“Numan topalan hüyange hangki yih kipalan, üshei ütangte peikei, hüyange taowe numan toloi meitam phaning.” —Matthew 11:28

“Mo üküm nyih, nyih üyong, Jesu yongyange hüke i: “Aohepa yengle nang I ütangte peiye yingtem tüo.”  
—John 7:37

Aope Jesuwe tüo nge, I mongshih ngai hüyange I pinlante i: “Nahalan ütangte peine tamtüo! Imante tahkhüm, hangjingne Kahwang ahngching tüolan jing lenang.”  
—Mark 10:14

Tüokhei Kahwange toman kaiye numante tongpukhei, Khrista jingne toman lampu üjeng ngoh-nang. Toman ne Khrista minme numan Kahwang pheï teishinyange ngohtüo she yoppe tongnang.  
—II Corinth 5:20

Tüokaiye Kahwang halan hü-  
yange kahshih halan ütahte ngai  
haonang: aoheye ütingpa yeling, I  
Kahwang jing yeje, yeshükümaa  
aoheye yoi jeihei naolan te yeken  
I-o yeje. —I John 3:10

Hangjingne hangshin Kahwang  
Yaha kaiye woinang, iman Kah-  
wang hayimlan ngohnang. Hang-  
jingne numane üneo nyiamtamlak  
ra yatihshao yeyah; hüpoi numan-  
ne Kahwang yoi üha, hangheye te-  
mane “Abba! Opa!” she nyik, tü-  
opa yaha numane yah.

—Rome 8:14, 15

Hüke numan me ümeng yenang-

pe hüyange jaoshe-iyé hüyange  
mong tingkha-akpu Kahwang ha-  
lan ne menglak jingne, kokpu hü-  
yange jakem kempu jin yo me nu-  
mane üyin ngaowa kahtoknyu me  
shanha üte-ke numan wangngai  
ütahte ngaitemme. —Philippia 2:15

“Tüokhei iman yomepu ngaiye,  
yoiyoi ne ngohyah she, Nokpupa-  
we inang, hüyange yejaopu hang-  
teo tah jon; hüyange taowe nu-  
man yahlak.” —II Corinth 6:17

Hüyangpoi hangshinne I yah  
hüyange I min me meng tüolante  
Kahwang üha ne menglak wong  
Iye pha. —John 1:12



Shaa mei toishaolan ütahte ngaiye ngohnang; hatüolana tüo, nuwe-shakpu, yejaoyeshepu, joke-mokpu yakjongpa, moungte khümpu, phong yengpu, teinupu, moppu, müktakpu, mongshih ngaipu, ünyei yahhupu, tei-yemongpu, teitampu, teikhapu, yuwe jokpu, nokshümpu, hüyange tüolepu. Aoyinne tüokihpu jonlakei, imane Kahwang ahngching moth yetüolak she taowe hangke numan üshongpemuh kenting ne tam, hüke shaa taowe numan kentingne tamnang. —Galatia 5:19-21

Temane wangngai ke ngaoting iye kemhah; pha-yangpa hei yuwe jokpume yeje, iymeilengpu hei

yejaoyeshepu me yeje, teelapu hei aohüng müktakpu me yeje. Hüyangpoi numane Nokpupa Jesu Khrista oyah, hüyange meiyelengpu ngaitemlak jingne meitahte. —Rome 13:13, 14

“Hangjingne Nokpupa shishao me I üyongne menglak, hüyange Iye yu yeshüküma wongnangpu hango yeyinglak; hüyange I Üjao Yahawe maawe ngohlak, inyu she me ngohwante muh.” —Luke 1:15

“Numan kentingne ngohyah! Meiyange mo-tappu, hüyange yujok hahngapu, hüyange mongshangpu üyin ja ne, numan mengine tah tam, yeshükümaa tüonyih mookshe yu ne ok.” —Luke 21:34

Iye Ite i, "Nange nang Nokpu-pa Kahwangte, nang mongjang üsheiye, nang yaha üsheiye, hü-yange nang kenmong üsheiye kentüo. Üjengpa hüyange üwangpa ngaokeng hatüo üja."

—Matthew 22:37, 38

... "Konnyaopa ümei, jintepu üyin tüolak jingne taowe hanghe linglakshi?" Jesuwe Ite tong, "Nange hangne üte ümei she nyiknangki?" Kahwang tokte aoheo ümei yenang; Nange ngao-kenglan shingnang: "Tahtoi; phwngge ngampu tahling; tah kuh; ugaolei tah i; tah lo; hüyange nangpa hei nangnyu iye sheyah."

Iye Ite i, "Konnyaopa," "Tao naha me muh tüopa ngaokeng jonyangki." Yayengpu pheijesuwe Ite tingkhakke lei, hüyange i; "Nang jawe yewang. Taitüo hüyange nangme ngohpu üshei yaotüo hüyange toihalante ngin phatüo, hüyange wangdangme nang haklak; tüophei me taikai hüyange üpheite woikai." Aohe Iye tüopa ngao jai, sheta nyak hüyange mongmenge tai, hangjingne I meiyangpu hakpa ne ngoh.

—Mark 10:17-22

Aohe me I Ha ngohnang I me üyin ngohnang, aohe me Kahwang Üha yenang I me üyin yenang.

—I John 5:12

Lowelamne tahtam; Kahwang ye-i-yeshepe tahling, hangjingne hanghe kahtawe deinang, tüomuh Iye wetlak. —Galatia 6:7

Hayimlan, aoheteo numan ün-yong yete woine tahtam; aoheye ütingpa lingnang I hangke üjao me ngoh, I-o hükemuh üjao me ngohnang. Aoheye ünü jonnang, I kahshih mepu; hangjingne kahshih üwang memuh ünü om. . . . —I John 3:7, 8

Yejaoyeshepu lane Kahwang ahngching moth yeleilak she numane yeshingpu a? Numan lone tahtam: iymeı yejao yeshepu jonpune jeyah, moungte khümpu ne

jeyah, phwnge ngampu jeyah, wänglam yejepu jonpune jeyah, netanne netanphei ümeng jonpu ne jeyah, kuhpa jeyah, waupu jeyah, yuwe jokpulan jeyah, phoiwümpu jeyah, yahhupu jeyah, tüolane Kahwang ahngching moth yengelak. —I Corinth 6:9, 10

Aoheteo jajang japu ngaowe numan lowelamne tahtam, hangjingne tüolan jingne ngao yejaipu hayimlante Kahwang mongshih ngai-  
ipu peinang. —Ephesia 5:6

Hüpoi numan yoi nying nyingke tüopa ngaote lowelamme jaipa nehei yemengpe, lingpane mengtüo. —James 1:22

Tüokhei, hangke kahta ja kaiye kahtoknyute ünu pei, hüyange ünu kaiye lipu pei, hüke kahta lilitte lipu pei, hangjingne üsheiye ünu om. —Rome 5:12

Hangjingne mei jeng teipuwa lipu ngohnang, hüpoi Yaha jeng teipuwa üyin hüyange chingmei. Hangjingne mei jeng teipuwa Kahwang kaiye wepa ngohnang; hangjingne hatüowa Kahwang ngao-keng phangme yenang, ütingme I yengoh oklak. —Rome 8:6, 7

“Hüpoi aoyin nyampu, ütingyelakpu, nunushepu, kahta toipalan, phwngngampalan, phongyengpalan, moungte khümpalan hüyange

tahleih ipalan üshei loonge ngohpu vün hüyange vünjom moluvün me yoi yoi meitam tüolak; tüopaa nishepupa lipu.”

—Ütahte ngaipu 21:8

Hüwante aope ünyeyahhupuwe püm yekengpe ngai, ünu puh-etamnang; hüyange aope ünua wange jonglakei, lipute puhe tamnang. —James 1:15

Hüyangpoi nangnao jingne mongmei mo molak wongpong, hangjingne nang nao liye ngoh hüyangpoi shaa I yange yeye ngohnang; I mahwe ngoh, hüyangpoi shaa I tüoyang pu.” —Luke 15:32

Hüyange Üjao Yaha me lipu me-  
pu yange yepu kaiye I Kahwang  
Üha ngohnang she, ünganne hao-  
we, hüke Jesu Khrista, teman  
Nokpupa. —Rome 1:4

Iye tüopa ngao iyangphei me  
Iye üngwenne nyik, “Lazar, ngai-  
kei!” Litepu kahta laowe, ya hei  
yak me pengkai nyi nyeiyange,  
hüyange I sheta me nyilüm yange  
ngai. Jesuwe imante i, “Ite lantü-  
mtüo,” “Hüyange taine tamtüo.”  
—John 11:43, 44

Tüophei me I owe wen hüyange  
mangshengte jon, hüyange mang-  
paipalan lak. Jesuwe i, “Naoshe!  
Taowe nangte inang, laotüo!” Li-

ye ngohpu kahta lao hüyange  
ngao ine wang . . . —Luke 7:14, 15

“Üpawe üte kennang hangjin-  
gne taowe nische koke yahlak jing-  
ne Ü-üyin phanang. Aohe-o üme-  
pu üyin yahteipu yeok. Hatüo ün-  
ying nyingke taowe angnang. Ha-  
tüo anglak üme wong ngohnang,  
hüyange hatüo yahyepu oklak  
wong üme ngohnang.”

—John 10:17, 18

“Hüyange üyin ngohpupa; Tao  
li, hüyange leitüo, tao jin jintepu  
jingne üyin ngohnang, hüyange li-  
pupa hei lipu yimching eppe-kü-  
plak Ü-me ngoh nang.”

—Ütahte ngaipu 1:18

“Konnyaopa, ngaokeng yo me, Üjengpa ngaokeng hanghe pa shi?” Iye Ite i, “Nange nang Nok-pupa Kahwangte, nang mongjang üsheiye, nang yaha üsheiye, hü-yange nang kenmong üsheiye kentüo. Üjengpa hüyange üwangpa ngaokeng hatüo üja. Nishepupa ngaokeng üjengpa hatüo: Nange nang yupite nangkih kenyah. Tü-opa ngaokeng nime ngaokeng hü-yange hipalan khongkümpu yaphen lingnang.” —Matthew 22:36-40

“Taowe numante ngaokeng üla pha nang; jawe jate teiken yah. Numan teikenpu ngeye üsheiye numan ü pinlan she shinglak.”

—John 13:34, 35

Nange ngaokenglan shingnang: “Tahtoi; phwnge ngampu tahling; tah kuh; ngaolei tah i; tah lo; hüyange nangpa hei nangnyu iye sheyah.”

—Mark 10:19

Hüyange shaa üyongnyu, taowe nang tangte ngaokeng üla nyianpuke yeje, hüpoi üwangme muh tomane hanghe ngaokeng tüo, tüopa ke temane jawe jate teikenlak taowe nangte yope tongnang. Hüyange tüopaa kenpu, temane I ngaokenglanke kemlakyang, Numane üwang memuh jaipuke ngaokenga hatüo ngohnang, hüke numane tüopa me kemlakyang.

—II John 5, 6

Tüokhei Nokpupa, aoheye wangnyak me lowe angpu wangngai yete yahpeilak, hüyange üneo kahta mongjang me teiyangpu ütahte ngaitemlak, hipak manngoi wante I manyu manyu hango ngao tahphen; hüwante kahta liliye Kahwang mepu minyongpu tüolak.

—I Corinth 4:5

Hüyange üneo, “Nokpupawe konnangpalanne teinyaopuwa jajang japu she shingnang.”

—I Corinth 3:20

“Tüokaiye imane Kahwang yammlak, hüyange imane I tüolak hüyange Iphei iman ngohnang she, teitümlak. Tüoyangpoi teman kahta lili mepu I jaiye ye-

nang. Hangjingne: ‘I me teman ngohnang, hüyange po-nang, hüyange üyin ngohnang.’ Numan lokngaopa ütame ipu ke, ‘Hangjingne temano ime lickpu.’ ”

—Lamputoi 17:27-28

“Hanghepa jaowe anglakei tüopa ütah te ngaiye tamlak, hüyange hangheyin pange angyapei tüolak hüyange wangaite yah peilak.”

—Luke 8:17

Hüyange Kahwang mepu lowe anglak hango yenang. Lingengaiyangpu üsheiye I mük shishao me lanne shaiyange haolak, hüyange Ite teman üsheiye yoi toishao haolak yang.

—Hebrew 4:13

## 22 KAWANG TE YIMEANGPA JINGNA SHAOSHIYALI

Hüpoi yejaoyeshepu kahtalan ngao phenlak hüyange mahlakpa nyih mangoi manngoi, tüopa ngao ja muh, shaa ngohpu wangdang hüyange kahtoknyulan tüne tüoe, vün jingne tüme ngohnang.

—II Peter 3:7

Hüyange ütam üyin laitep me nyiane yengemaa, I molovün me hünlak.

—Ütahte ngaipu 20:15

Iman jinte mahlak jingne shangne tamlak, hüyange Nokpupa hüyange I müktishiwa wongnangpu ompu yenanglak.

—II Thessalonia 1:9

“Nang yak yeshükümaa nang yawe ünü omne tamkümaa, tüopa langtüo hüyange nang mepu win-

tüo. Nang jingne yak hei ya moini pheijinte yemahpu vünte taipu pheiyakja yeshükümaa ya janyenangpe üyin chingte taipu meilak.”

—Matthew 18:8

“Kahta ühawe yoi shongnying palan shonlak, hüyange imane yoi ahngching me yashah haone tempalan hüyange ngaokeng kaiye toilingpalan üshei shai jemlak. Hüyange imane tüolan kahta yemahpu loonge ngohpu vün me shüplak; tüome shappu hei fa ngaopu ngohlak.”

—Matthew 13:41, 42

“Hüyange tüolan üküm yenangpe shangjing te yulak, hüyangpoi üjao lanna jintepu üyin chingte tailak.”

—Matthew 25:46



“Hangjingne Iye lepu kahta jawe üjaopame kahtoknyu ngao phenlak jingne Iye nyih ja leyangki, hüyange tüopa jeng Iye lipu yange yene iwante, kahta üsheite saki phayangki?” —Lamputoi 17:31

Hümaa Nokpupawe üjaopalan tokpu mepu yinlak shingnang, hüyange yejaopalan, ngaophen pu nyih jingne anglak. —II Peter 2:9

Hatüome temante kenpuwe wangngoine tamnang, ngao phenpu nyih me teman wongnange ngohlak jingne, hangjingne I hangke ngoh, temano tüopa kahtok me hüke ngohnang. —I John 4:17

Hüyange hangke kahta ja mehei lilak, tüophei me ngaophenpu peilak. —Hebrew 9:27

... Hüyange tüolan laitep me nyianne ngohpuke, lipalan yoi toishaoke ngaophen.

—Ütahte ngaipu 20:12

Hangjingne kahta lili püm me lingpu toi pheii phenne, ümei jeyah, ümeng jeyah tüolak jingne toman üshei Khrista ngaophen jing shongme ütahte ngaitemlak yang. —II Corinth 5:10

Tüokhei teman kahta liliye yoi jeng Kahwangte ngaolan phalak. —Rome 14:12

Hüyange ünu hangke ngoh, hüke jajang japu hüinghao yenangja. Hangjingne kahta ja ünuwe li she imaa, hatüophei shenyeipu, Kahwang shüpshe hüyange kahta ja, hüke Jesu Khrista shüpshe kaiye phapu hüinghaowa maapu wangmanne ngai.

—Rome 5:15

Tüokhei sheminlamphe, kahtawe teipu me ngaipu me ngaipu, yeshükümaa omme mongpu jingne yeje, hüpoi shüpshe ngohpu Kahwang mepu.

—Rome 9:16

... “Kahwange otapalan te tenang, hüpoi innenyaipalante shüpshe phanang.”

—I Peter 5:5

Hangjingne teman Nokpupa Jesu Khrista hakpa ne ngohyapoi,

tüoyangpoi I toiha ne mengpu kaiye numan hakpane mengtamlak jingne I numan jingne toihane meng, tüopa shüpshe numane shing.

—II Corinth 8:9

... Hüyangpoi ümeken me ünu jaalun, shüpshe-o üshei tangme jaalun, tüokaiye, ünupawe lipu tangme wanglam lam, hüke teman Nokpupa Jesu Khrista kaiye jintepu üyin jingne üjaopa kaiye shüpsheye wanglamlam.

—Rome 5:20, 21

Hüyange üngan üyongpuwe lampulane Nokpupa Jesu yange yepu jeng saki pha, hüyange shüpshe üyong iman üshei tangme ngoh.

—Lamputoi 4:33

“Tüokhei yeshingpu hipaka Kahwange hüke ang, hüyangpoi, shaapaa üshei yeme kahta üsheiye monglüplakyang she Iye ngao-keng phanang.” —Lamputoi 17:30

“Yeje! Taowe numan te inang numane numan monglepe ünu-lammepu yejei leimaa, numan üshei iman kih-e lilak.” —Luke 13:3

“Mongleptüo, hangjingne wangdang ahngching owe peiteki.”  
—Matthew 3:2

Peterwe imante i, “Numan ünu winlak jingne numan mongleptüo, hüyange numan kahta liliye Jesu Khrista min me baptitüo, hü-

yange Üjao Yaha hü nghao numane yahlak.” . . . “Tüokhei mongleptüo, hüyange Kahwang yete lüptüo, tüome nakshih Iye numan ünu photte winlak.”

—Lamputoi 2:38; 3:19

“Taowe numante iphaning, tüokih-e mongleppu wongpongne yejepu tepeli pentu angyange, aope ja ünu mepu monglepe peilakei Ijingne wangdang me mong mei üyong ngohlak.” —Luke 15:7

Hangjingne Kahwange mongpuke mongmengne tampuwe, nishe mongyemenglakne, yinyelak jingne monglütpe tamnang. Hüpoi Kahtoknyu mongmengpuwe lipu ngaitemnang. —II Corinth 7:10

... Jesuwe i, "Hümaa taoweo nang minyao minle. Taitüo, shaaji ünu tahling." —John 8:11

"Hüyange Jerusalem mepu wange jat üsheite monglüppu hüyange ünu winpu I min me konnyalolak." —Luke 24:47

"Hangjingne numan mih ümeng winmaa, numan wangdang üpawe numan ümeng winlak." —Matthew 6:14

Iman ütinglakpu Jesuwe nge, hüyange yimtin dakpate i, "Üha, nang ünu winyangki." —Mark 2:5

"... Numane tüo shingyah (Jesu), hatüo kahta kaiye ünu winpu numante pongtümnanang; ... I ah-

ngpa hüyange yinyepane menglak, hüyange Israel te mongleppe hüyange ünu winpu phalak jingne, Kahwange yoi yakjah yeme I ongne tam." —Lamputoi 13:38; 5:31

Leihuyah, tao taphen shongme yong yange taküpte kongnang; ütamme ü-ngaowüing jaiye taküp epmaa, tao I tangte onglak, hüyange I pheihah yinglak, hüyange Iye üphei hahyinglak.

—Ütahte ngaipu 3:20

Temane teman ünu janmaa, temante teman ünu winlak hüyange yejaoyeshepu üshei mepu teman jaowetam phalak, I me monghümlak hüyange ütingpa ngohnang.

—I John 1:9

Hangjingne kahta üshei tangte yinyepu yahpeipu Kahwang shüpshe ütahte ngaiteki; hüyange temane yejaopu hüyange kahtoknyu shangpu yejanpe, teiünyüopu, üjao, Kahwangte nyiame tüopa kahtoknyu üyin ngohlak.

—Titus 2:11, 12

Kahtoknyu me ngohpu toite yeje, ütangyeme ngohpu toi me numan kenmong angtüo.

—Colossia 3:2

Numane kahtoknyu yeshükümaa kahtoknyu me ngohpu toilan tahken, Ütame kahtoknyute kenmaa, Ipa yahyeng I me yenang, Hangjingne kahtoknyu mei ünyei

yah hupu, müke ünyei yahhupu, hüyange üyin otamaohepu, kahtoknyu me ngohpu tüolan khongkümpu Üpa mepu yeje, hüpoi kahtoknyu mepu ngohnang.

—I John 2:15, 16

Hüyange ülick yelickpu wangnyak toi pheï tahpang, hüpoi iman tingetamtüo.

—Ephesia 5:11

Ütingyelakpu kahtalan! kahtoknyu shümpaa Kahwang wepa she numane yeshing a? Tüokhei aoyinne kahtoknyu shümpa ne menghunang, Iye yoi nying nyingke Kahwang pheï wepa ne mengnang.

—James 4:4

“Kuhpalan kuhlak jingne, toilak jingne hüyange mengtamlak jingne hei peinang. Imane üyin tüolak, hüyange hatüowa yeonge tüolak jingne tao pei.” —John 10:10

I üjao me ngohnang she numane shingmaa, hümaa aohepawe üjaopa joneang, I-o Imepu puhpu, tüopa numane shingnang. . . . Aohe Kahwang mepu puh, Iye ünu yejon, hüpoi Kahwang mepu puhpu pawe yoi nying nyingke tüke angnang, hüyange ümengpawe Ite yelüt she temane shing.

—I John 2:29; 5:18

Tüokhei kahta ütäm Khrista me ngohmaa, I üla ne mengpu. Üla-

ngpa linteki; leitüo, üshei üla mengteki. —II Corinth 5:17

Jesuwe Ite jan, “Taowe nangte üting iphaning: I nische yepuh maa, aoheo Kahwang Ahngching yengelak.” —John 3:3

Hüyange tüokihpu numan yo me ütäm ngoh, hüpoi teman Nokpupa Jesu Khrista min hüyange teman Kahwang Yaha me numan poiyangki, numan jaowetamteki, numan tingetamteki.

—I Corinth 6:11

Hangjingne Kahwang üyin hüyange jinte ngohpu ngao kaiye mah-hah shepu üli mepu yeje, hüpoi yemahlakpa üli mepu numan nische puh. —I Peter 1:23

Aope numan ümeng lingpu hü-  
yange ünu kaiye liye ngoh, Iye nu-  
man üyin ne mence tam . . . Hü-  
yange Iphei teman yange yene-  
tam, hüyange wangdang nyoijing-  
me Khrista Jesu me teman Iphei  
shotne tam. —Ephesia 2:1, 6

Ünu mepu yane teman li phei  
me üjaopa jingne üyin ngohlak  
jingne Iye yoi nying nyingke pe  
me yoi püm me teman ünu ki; hü-  
yange I te shütpu makowe numan  
mei. —I Peter 2:24

Numan Khrista phei yangeye  
she imaa, hümaa Kahwang yak-  
jahye me, ümeken me Khrista  
shotte ngohnang, utang yeme  
ngohpu toilan yomtüo. Kahtok-

nyu me ngohpu toite yeje, utang-  
yeme ngohpu toi me numan ken-  
mong angtüo. Hangjingne numan  
li, hüyange numan üyin Khrista  
phei Kahwang me lowe angnang.

—Colossia 3:1-3

Hüyange aoyin Khrista Jesu  
kahta ne meng imane meilahnyik-  
pu hüyange yejaopu tangpem me  
takyangki. Yaha me teman üyin  
ngohmaa, temane Yaha phei üneo  
kemhah. —Galatia 5:24, 25

Hüke numano numan nying  
nyingke ünu mepu yanne li she  
hüyange Jesu Khrista me Kah-  
wang jingne numan üyin ngoh-  
nang she teitüo. —Rome 6:11

Aoheye yoi meime deilakei Iye mei mepu mahpu wetlak, hüpoi aoheye Yaha me deilakei Yaha me jintepu üyin wetlak. —Galatia 6:8

“Phaonyu jongme hangke Moseswe shekphan yan-pu yongtam, tüokih-e kahta Üha-o yongtam lak yang, tüopa kaiye aoyinne Ite ütinglak jintepu üyin Imepu tüolak.” —John 3:14, 15

“Aoyinne I hate ütinglak-lakei jintepu üyin tüolak; aoyinne Iha ngao yejailakei aoepo üyin yetüolak hüyangpoi Kahwang mongshihpu I tangme jinte ngohlak.” —John 3:36

“Hüyange hatüowa jintepu üyin, imane nang shaha ütingpa Kahwang she shinglak, hüyange nange aohepa shon tüopa Jesu Khrista.” —John 17:3

Hangjingne ünu küw-a lipu ngo hnang, hüyangpoi teman Nokpu-pa Khrista Jesu me Kahwang jajang japu hünghaoa jintepu üyin ngohnang. —Rome 6:23

“Taowe numante üting ipha ning; Aoyine üngao jai, hüyange tao shonpu pate ütinglak, jintepu üyin tüolak. Ite ngaophenpu yengohlak, hüyangpoi lipu mepu üyin chingte taiteki.” —John 5:24



Teman Kahwang hayim she Yahawe yoi nying nyingke teman yahaphei saki pha nang. —Rome 8:16

Aohe me I Ha ngohnang I me üyin ngohnang, aohe me Kahwang Üha yenang Ime üyin yenang. Aoheye Kahwang Üha min me meng numan tangte taowe nyiannang, hatüowe numan me jintepu üyin ngohnang she shinglak.  
—I John 5:12, 13

“Aoheye ü ngaokenglan shingnang hüyange angnang, I üte kenpupa. Hüyange aoheye üte kenang, üpawe Ite kenlak, hüyange taowe Ite kenlak, hüyange taowe

ünying nyingke Ite ütah te ngaiye haolak.”  
—John 14:21

Hüyange numan I halanne menge, Kahwange yoi ha yaha teman mongjangte shon; hüyange tüopa yahawe, “Abba! Opa!” she üngwennang.  
—Galatia 4:6

Tüokaiye I teman me ngohnang, hüyange teman I me ngohnang, tüopa Iye temante phapu Yaha kaiye temane shing.  
—I John 4:13

Aoheye Iha te yejanlakei, Iye Ipateo yejan ok. Aoheye Ihate janpu oknang, Iye Ipa ngeye oknang.  
—I John 2:23

## 32 KHRISTA ME NGOHPU E MONGMEI PHANANG

“Shaa tao nangtangte peinang, hüyange taowe tüolan kahtoknyu me ngaonang tüome nakshih iman me wange ngoine tampu ü-mongmei ngohlak.” —John 17:13

“...hüyangpoi taowe numan nische leilak, hüyange numan mongjang mongmeilak, hüyange aoheo numan mepu mongmei yah yeteilak.” —John 16:22

Hangjingne Kahwang ahngchinga hahlak yeshükümaa yinglak yeje, hüpoi Üjao Yaha me üjaopa, chingmei hüyanye mongmei ngohnang. —Rome 14:17

Aohepa numane mannge, tüoyangpoi Ite kennang; numane shaa

I yengeyapoi, menge, ineyeokpu mongmei hüyange müktishiwa puwe mawe numan mongmeinang. —I Peter 1:8

Hangjingne Khrista pheii tao tangpem me epteki, hüyange tao üneo üyin yenang, hüpoi üme Khrista üyin ngohnang; hüyange Kahwang üha, aoheye üte ken hüyange yoi nying nyingke ü jingne pha, Ite ütinglakpuwe tao üyin ngohnang. —Galatia 2:20

“Ümongmeipu numan me ngohlak, hüyange tüopa mongmeiwang ngoilak jingne, taowe numante tüolan ngao yangki.”

—John 15:11

Hangjingne Kahwang shaome ngaokeng jaipalan üjaone yeje, hüyangpoi ngaokeng jonpalan tingetamnang. —Rome 2:13

Numane ngaojaiye aohete yoinying ngingke rane pha, ünü jingne lilakne yeyah, ngao jaipuwe üjaopa jingne jeyah, numane aohete ngao jai I ra numan ngohang she, numane yeshing pu a? —Rome 6:16

Hüyange Nokpupa Jesu vünlong me I wong wangdang shongnyingpalaan pheiwangdang mepu ütahte ngaiwante, numan shange pongpu ngepalante toman pheitolimeipu phawe, Kahwang yeshingpalante, hüyange teman

Nokpupa Jesu pungao ümei ngao yejaipalante puh hahpu phalak. Iman jinte mahlak jingne shangnetamlak, hüyange Nokpupa hüyange I müktishiwa wongnangpu ompu yenanglak.

—II Thessalonica 1:7-9

Aoyinne üyin pe tangte peiyewong tüolak hüyange peten kaiyechingnyute onglak jingne yoinyimo shaonang, iman moimanpupa. —Ütahte ngaipu 22:14

Hüyange I wangngoine tamyang pheime, Ite ngao jaipu üsheijingne I üküm yenangpu yinyepu üjüngne meng.

—Hebrews 5:9

Hüyange Üpa Kahwangte mük-tishiwa phawe, Jesu Khrista Nokpupa ngohnang she yi üsheiye janlak.  
—Philippia 2:11

“Tüokhei aoyinne kahtalan shishaome tao janlakei, taoweo wangdang me ngohpu Üpa shishao me I jingne janlak. Hüyangpoi aoyine kahta shishao me tao yejanlakei taoweo wangdang me ngohpu Üpa shishao me I yejanlak.”

—Matthew 10:32, 33

“Hangjingne, nange nang juwe Jesuwa Nokpupa she janmaa, hüyange nang mong jangme Kahwange I lipu mepu yange yene

tam she mengmaa, nang yinlak. Hangjingne üjaopane menglak jingne kahtawe mongjange mengnang, hüyange yinyepu tüolak jingne juwe Iye jannang.”

—Rome 10:9, 10

Aoheye Iha te yejanlakei, Iye Ipateo yejan ok. Aoheye Ihate janpu oknang, Iye Ipa ngeye oknang.

—I John 2:23

“Kahta ütame üjingne hüyange taowe nyaopu konte wüowe teimaa, aope kahta üha yoi müktishiwaphei hüyange Üpa, hüyange Üjaopa shongnyingpalan müktishiwa phei yulakei, I jingne wüolak.”

—Luke 9:26

Deiyetayah, hüyange kenting mongtayah. Waowe-ngohpu yengkong mailangke numan wepa kahshih-e aohe lihpu oklakshe, I yame kemnang. —I Peter 5:8

I yupuwa satanne lingpu mepu ngohlak, hüyange mahlaklan jingne tüo ngoiye hüyange yepinlakpa üshei hüyange ngaolei yashanyali. —II Thessalonía 2:9

“Nange iman mük eppe tamlak hüyange wangnyak mepu iman wangngaitte leppe tamlak, hüyange kahshih wongmepu Kahwang tangte ye-etamlak, hüyange üte ütinglakpu kaiye iman ünü winpu oklak hüyange Kahwange

lepu yo me mothleilak jingne tao-we nang iman tangte shonnang.”

—Lamputoi 26:18

Tüophei me kahtshih-e toklak jingne, Yahawe wanwüing jengte Jesu woitei. Tüophei me Jesuwe Ite i, “Taitüo, Satan; hangjingne hatüo nyianne ngohnang, ‘nange nang Nokpupa Kahwangte khümlak, hüyange I shaha shaoshantüo.’ ” Tüophei me kahshiye I ang, hüyange wangdang shongnyingpalan pei hüyange Ite pao.

—Matthew 4:1, 10, 11

Numane kahshih lowelampu kaiye yongoklak jingne, Kahwang wehok o üshei o tüo.

—Ephesia 6:11

Tüojingne hangke hayimlane mei hei iy ompalanne ngoh, hüke Iyeo yoi nying nyingke jakih om, tüowe lipu kaiye Iya I mahne tamlak, aoheme lilak üngan ngoh, hatüowa kahshih. —Hebrew 2:14

Aoheye ünu jonnang, I kahshih mepu; hangjingne kahshih üwang memuh ünu om. Kahshih toi mah-tamlak, tüopa jingne Kahwang üha ütahte ngaiyangki.—I John 3:8

Aoheye Khrista yahyeng mepu teman yantemlak shi? Shangepo-  
ngpu, yeshükümaa mongshang,  
yeshükümaa shangnetampu, ye-  
shükümaa shenyao yenglepu, ye-  
shükümaa pümkeng, yeshükü-

maa wengtuh, hei yanglao, tüo-  
lanne oknang kü a? . . . Yeje, tüo-  
yin üshei me aoheye temante ken  
I kaiye teman okpalanphei nehoi  
shetahpu. —Rome 8:35, 37

Tüokhei numan nying nyingke  
Kahwang phang me ngohtüo, hü-  
poi kahshih teentüo, hüyange I  
numan mepu phette tailak. Kah-  
wang shongte peikei, hüyange I  
numan shongte peikülak. . . .

—James 4:7, 8

Tüophei me tüopa ngaokeng ye-  
jaipa ütahte ngaine temlak, hü-  
yange Nokpupa Jesuwe I ju lüowe  
I toilak, hüyange I yupu ütahte  
ngaipu kaiye I ükengne menge  
tamlak. —II Thessalonia 2:8

Taowe kahtalan ngao hüyange wangdang shongnyingpa lanke ngaoyapoi, hüpoi kenpu yenang maa; taowe nyamkongpu wüing yeshükümaa beiwang happu ne meng.  
—I Corinth 13:1

Hüpoi Yaha ülick tüolan ngoh-nang, kenpu, mongmei, chingmei, nünokpu, yahyengpheipu, meipupa, monghümpu, innyaipu, yoi nying nyingke tüke okpu.

—Galatia 5:22, 23

“Numane üte kenmaa, ü-ngao-kenglan numane jonlak.”

—John 14:15

Kahta ütame, “Taowe Kahwangte kennang she imaa, hüyange yoi jeihei naote nu maa, I

tahleihpa; hangjingne hanghepa jeiheinao Iye nge Ite Iye yekemmaa, hümaa Kahwang, aohe Iye yenge, Ite Iye yekenok.”

—I John 4:20

Ni she Iye Ite i, “John Üha, Simon, nange üte kenya?” Iye Ite i, “Üm, Nokpupa, taowe nangte kennang she nange shingnang.” Iye ite i, “Ü nyi yomyah.” —John 21:16

“Numan teikenpu ngeye üsheiye numan ü pinlan she shinglak.”

—John 13:35

Temane lipu mepu üyin tangte taiteki she shing, hangjingne temane jeihei naolante kennang. Aoheye yeken, I lipu me ngoh-nang.

—I John 3:14

“Jerusalem hüyange jehudilan kahtok me Iye lingpu üshei jingne toman saki ngohnang. Imane pe me I take toi; hüyangpoi Kahwange I nyihlüm shepupa me yange yene tam, hüyange ütahte ngaiye hao; kahta üsheite yeje, hüyangpoi Kahwange toman aoyin saki ne le, hüyange I yange yephei me aoyinne Iphei hah-ying yangki, tomante I ütahte ngai hao.”  
—Lamputoi 10:39-41

Jesu lipu mepu yange yephei me, hat me üwangpa nap, I Mary Magdalen tangte üwangne ngai, aohepa mepu laa nyit ngoiye Iye jange tei.  
—Mark 16:9

Nyihetet ngohyange I pinlan üneo noksa me ngoh, hüyange Thoma imanphei ngoh. Jesu pei, taküp yange ngoh, hüyange iman yo me yong hüyange i, “Numan phei toloimei ngohyah.” Üneye Thomate Iye i, “Nang yaklan tüome wenkei hüyange üyakte leiyah; nang yaklan tüome peiye ü-hempa te teppe leihu; üting yelakpe tah ngoh, hüyangpoi üting lakyah.” Thoma Ite jane i, “Ünokpu hüyange Ü Kahwang.”

—John 20:26-28

Tüopa Jesu teman ünü jingne phenne pha, hüyange teman tingetamlak jingne nische yange yene tam.  
—Rome 4:25



“... hipak peiküki - hüyange hatüowa shaa ngohnang - aope lipulane Kahwang Üha ngaowüing jai-lakei, hüyange aoyinne tüopa jai üyin ngohlak. Hatüo ngaote yata-shan: hangjingne liye mangjongme ngohpu üsheiye I ngao jailak hipak peiküki; hüyange iman üshei mang jongmepu ngailak; aoyine ümei lingyangki yange yelak hüyange üyin ngohlak, hüyangpoi aoyine ümeng lingyangki yange yelak hüyange ngaophenlak.”

—John 5:25, 28, 29

Yeshükümaa teman, hangshin Khrista Jesu me baptitam, teman üshei I lipu me baptitam she numane yeshing a? Tüokhei hangke

Ipa müktishiwa kaiye Khrista lipu mepu yange yene tam, hüke teman üyin üla me kemlak jingne teman üshei baptipu kaiye lipu me Iphei mu. Hangjingne temane I lipu lepu me Iphei shüppe shamaa, teman I yange yepu lepu meo Iphei shüppe shalak.

—Rome 6:3-5

Hüpoi numan me Khrista ngohmaa, ... hüpoi üjaopawe Yahaa üyin ngohnang. Aoheye Jesu lipu mepu yange yene tam I Yaha me ngohmaa, Jesu Khrista lipu mepu yange yetam pupawe numan me ngohpu I yaha kaiye numan lilak pümteo üyin phakülak.

—Rome 8:10, 11

“Teman wepalan yak mepu yintam yange, ye-nyiampe I shao-shanlak jingne temante lingtam-lak jingne, I sheshao me üjaopa me hüyange ütingpa me teman üyin hipak khongkümpu yin.”

—Luke 1:74, 75

Tüokhei jeiheinaolan, tüolan janpu ngohtepuwe, temane Kahwangte nyiampu pheü üjaopawangngoi tamme mei hei yaha yejaopu üshei mepu teman nyingnyingke jaohah. —II Corinth 7:1

“Numan mongleppu yepilakpa haowe taowe numan yengme bapti nang. Aohepa üpheite peinang üpheiwig sheyong pupa hüya-

nge I yashom kilak nehoi tao yewang.” —Matthew 3:11

Ipa Kahwange Yaha jaowe tamme phapu me, Jesu Khrista te ngao jailak hüyange I iy shaitamlak jingne lepu hüyange nyingetampu mepu. —I Peter 1:2

Tüokhei ütamme yoi nyingnyingke tüolan mepu jaowe ngohmaa, I minyonge tamlak toine wangpu, Nokpupawe jonlak wangpu, hüyange toi ümei üshei jingne tümme tapu ngohnang.

—II Timothy 2:21

Hüpoi numante nyikpa hangke üjao me ngoh, numano nyoingoh khongkümpu me hüke üjao me ngohyah. —I Peter 1:15

Tüokhei Jesu-o, I yoi iy kaiye kahtalan jaowe shatamlak jingne, peten kaiye taiye shange pong.

—Hebrew 13:12

Teman I shishaome I yahyeng me üjao hüyange ümeng yenang-pe ngohlak, kahtoknyu manling-wante Iye teman Khrista me le. Kahta üla, aohe Kahwang lepu me ngaotingpa, shemeipupa hüyange üjaopa me lingyangki, tüopa otüo.

—Ephesia 1:4; 4:24

Temane teman ünu janmaa, temante teman ünu winlak hüyange yejaoyeshepu üshei mepu teman jaowetam phalak, I me monghümlak hüyange ütingpa ngohnang.

—I John 1:9

Kahwang ütingpa ngaolan kha-kshuwe nyaopa ja ne, I toi jingne yewüope toilingpa ja ne, Kahwang mepu monghahpu lanshe tüolak jingne, nange okpu shinne meiye lingtüo. —II Timothy 2:15

Hüke tüolan khongkümpu yengne menge tailak she shinge, numan Kahwang nyih peipu hangheye wangdanglan vün me jakke diye tailak, hüyange wangme ngohpalan yeonge shempuwe diye tailak. —II Peter 3:11

Üshei pheï chingmei, hüyange shejaopupa hanghepa yekaikümaa Nokpupa yengelak, tüopa üjaopa jange taitüo.—Hebrew 12:14

Tüokhei ngapane tah nang, hüpoi Nokpupa mongpu hanghe ngoh tüopa shingyah.

—Ephesia 5:18

“Numan jajashinne yemeiyapoi numan hayim lante toimei phalak shin gkümaa; hümaa wangdang me ngohpu Üpawe Ite yupalante Üjao Yaha hangshin phalakshi?”

—Luke 11:13

Hüyangpoi I me Üjao Yaha maawe, wangyete leiye, Kahwang müktishiwa hüyange Kahwang yakjah yeme Jesu yonge nge.

—Lamputoi 7:55

Hüyange aope imanne yoppe sho, iman jamshe jemme ngohpu nyoi shuipo. Hüyange iman üshei

Üjao Yahawe maawe ngoh, hüyange imanne Kahwang ngao wongnange ngao. —Lamputoi 4:31

Hüpoi Kahwang Yaha numan me ngohmaa, numan mei me yeje hüpoi Yaha me ngohnang. Hüpoi aohete Khrista Yaha yenang, Iya I jingne yeje.

—Rome 8:9

“Hüyangpoi aope Üjao Yaha numan tangte peilakei numane üngan yahlak . . . .” —Lamputoi 1:8

Hangjingne I kahta ümei, hüyange Üjao Yaha hüyange ütinglak puwe maawe ngoh. . . .

—Lamputoi 11:24

Hüyange Antioch me pinlanna mongmei hüyange Üjao Yahawe maa.

—Lamputoi 13:52

Jesuwe i, “Oklak,” “Nange mongmaa! Aohe me ütinglakpu ngoh, lamphele oklak.” —Mark 9:23

Kenneteipalan, numan toklak jingne numan yo me hanghe tokenyaopu vün kih-e peinang, tüopa üwangne ngailak ja ngainang she, numan yatahshan. Hüpoi hangshine numan Khrista shangepongpu teitame hanpalan ngohang, I müktishiwa ütahte ngaiwante numan yeonge mongmeipuwe mongmeilak jingne, teishinne mongmeiyah. —I Peter 4:12, 13

“Hüyange iman mük mepu mükphi üshei Iye phuttamlak; hüyange lipu shaaji yenanglak, mangshaplak yeshükümaa shap-

pu, yeshükümaa shaoshitamlak shaji yenanglak; hangjingne üwangpalan linne taiteki.”

—Ütahte ngaipu 21:4

“Hüyangpoi üwangne Kahwang Ahngching hüyange I üjaopayamtüo, hüyange tüolan üshei numante paowe yahphalak.”

—Matthew 6:33

Hüyange tüolan kaiye toinyu hüyange shemeipupa üyong janne angpulan temante Iye phayangki; nuweshakpu kaiye kahtoknyu me ngohpu mahlakpa mepu yintepuwe numan Kahwang nyoingoh tamehanpalane mengpu oklak ne tüolan janne angpulan phayangki.

—II Peter 1:4

## 44 UNU ME YETTEPU LAN JINGNE JANPU

Hangjingne Iye yoi nying nyin-  
gke tokpu haowe shangpu taop-  
uwe, Iye tokpu haopalante jampu  
oknang. —Hebrew 2:18

Chingmei Kahwange numan ya-  
phang me Satan loknetamlak.  
—Rome 16:20

Aoheye tokpume nün-oknang I  
moimanpu; hangjingne Iye tokpu  
okyang pheï me, üyin shaoshaoh,  
hanghe Nokpupate kenpalante  
phalak jingne Iye jan, tüopa Iye  
tüolak. —James 1:12

Hangjingne toman shangpu  
tantampuwa hanghepa üjingha  
pu jingne hei ngoh, tüopa toman

jingne ünyei ünyei shake, jinte  
üküm yenangpu müktishiwa she-  
jeipu tüm nang. —II Corinth 4:17

Kahwangte kenpalan aoyin Iye  
mongpuke keme ngohnang iman  
shongme toi üshei jamme ümei-  
jingne teiling nang she temane  
shing. —Rome 8:28

Kahtawe nünoklakne tokpu kai-  
ye numan tangte tokpu yepei; hü-  
yange Kahwang monghümpu ne  
menge Iye numane nünoklak tok-  
te kaiye numan tokneyetampha-  
lak, hüpoi numane nün oklakne  
Iye tokpume yinlak jingne lam  
tümme tamphalak.

—I Corinth 10:13

“Aoheye oknang I hüke o üheng me o-ne tamlak; hüyange taowe hangke jam I min üyin laitep mepu photteyewinlak, hüyange Üpa shishao me hüyange I shongnyingpalan sheshao me I min taowe janlak.” —Ütahte ngaipu 3:5

“Aoheye oknang, I üphei ü Ahngpa shotjingme taowe shotne tamlak, hüke taowe yoi nyingnyingke hangke okyange Üpa phei I Ahngpa shotjingme shotnang.” —Ütahte ngaipu 3:21

“Aoheye oknang, I Ü Kahwang yopnok me taowe shongnyu ja ne menge tamlak; hüyange I tüome-

pu shaaji ütailak; hüyange ü Kahwang min, hüyange ü Kahwang chingnyu, üla Jerusalem, wangdang hei ü Kahwang mepu yu, tüopa min, hüyange ü yoi min üla taowe Ite nyianlak.”

—Ütahte ngaipu 3:12

“Aoheye oknang Iye tüolan moth leilak; hüyange tao I Kahwang ne menglak, hüyange I üha ne menglak.” —Ütahte ngaipu 21:7

“Aohe me na nyim, arogolante Yahawe hanghe inang jaiyah. Aoheye okyapei Ite tao Kahwang chingmei nyoi me hanghe ngoh, tüopa üyin pe mepu hahne phalak.”

—Ütahte ngaipu 2:7

## KAHWANGE SHUKOLAIPU JEANG TUMAN TE EINANG

Nokne mengtepulan jingne tao-we inang, taowe yeje hüpoi Nok-pupawe: nokne mengtepu sheko yoi netanpa tüoyange yeyanlak; hüpoi yantaimaa, yha wamnyune munge angtüo, hüke yeje-maa yoi netanpa yamme yetüo; hüyange netanpawe yoi shekonyu tahwin.

—I Corinth 7:10, 11

Hangjingne netanpa ngohpu sheko ja yoi netanpa üyin me ngohwante ngaokenge netanpa phangte shinyange ngohnang, hüpoi netan limaa, netanpa ngao-keng mepu yha lanteki. Tüokhei, netanpa üyin ngohwante yhawe

ülao netan tangte taimaa, yha phwngngamnyu she nyiklak. . . .

—Rome 7:2, 3

“Aoheye yoi sheko teiyange sheko üla yahlakei, Iye phwngngampu toi jonnang; hüyange aohe netane yanne ngoh pu sheko yalakei I phwng ngam nang.”

—Luke 16:18

“Hüyangpoi taowe numante inang aoheye yoi sheko yantemlakei. Hüyange yha yemeipe yengoh, yha phwngngam ne tamnang; hüyange aoheye yanne ngohpu sheko yahlakei phwngngam pu toi lingnang.” —Matthew 5:32



“Hüyange tao taiye numan jingne nyoijing temkümaa, tao ke yelak, hüyange taowe numan üphei teilak, tao ümeken me ngoh tüoken me numano ngohlak.”

—John 14:3

“Tao mamshe peikülak; nang shaoshaoh aoheo üyalak jingne, nangme hanghe ngoh tüopa mongjüonge tüktüo.”

—Ütahte ngaipu 3:11

“Hangjingne kahta ütame üjingne, hüyange tüopa ütingyelak pu ünu jinme üngao jingne, wau-maa, aope Üjaopa wangdang shongnyingpa lanphei Ipa müktishiwa me I yulakei kahta Ühawe I wautüo tamlak.”

—Mark 8:38

“Hüwante wangme Kahta Üha yepinlakpa ngelak, hüyange hüwante kahtoknyu jat hei lilan üsheiye mongjangte tüppe shaplak; hüyange imane kahta Üha wangphom me üngan hei müktishiwa üyong pume yupu ngelak.”

—Matthew 24:30

Numaneo nünne ngohtüo: numan mongjang wongnangyah, hangjingne Nokpupa peilak hipak ü-o-me ngohnang.

—James 5:8

“Hangjingne wanghe ongjing yemepu hangke wanglütpe ngai, hüyange wanghe nyipjing ngoiye ngenang, hatüokih kahta üha peipu ngohkülak.”

—Matthew 24:27

Hüyange i, "Galilee kahtalan, numanne hangne wangyete nganne yongpu shi? Hatüo Jesu, aohe numan mepu wangdangte woi in, numane hangke I wangdangte onge nge, hatüo kihmuh I yuk-ülak." —Lamputoi 1:11

"Leihu, tao kuhpake peinang! Aoheye püm keng me yekemlak hüyange wüoyetüolak jingne tümtawe ngohnang, hüyange o tüme angnang, I moimanpu!" —Ütahte ngaipu 16:15

Mongkenlan, shaa teman Kahwang hayimlan ngohnang, hüyange pheï me teman hanghe ne menglakei tüopa üneo ütahte manngai. I ütahte ngaiwante te-

man I kih-e ngailak, hangjingne I hangke ngoh, hüke muh temane I ngelak, tüopaa temane shing-nang. Hüyange Ite aoheye tüopa monghümpu ngohnang, I hangke jaowe ngoh, I-o hüke muh yoi ny-ing nyingke jaonang.

—I John 3:2, 3

"Tüokhei numano, tümyange ngohya, hangjingne numane yeteütüopu hipak jame kahta üha peikülak." —Luke 12:40

"Hangjingne kahta üha yoipa müktishiwa me wangdang shongnying palan pheï peïlak, hüyange kahta lilite Iye lingyangpu me tokyange hünghao Iye phakülak." —Matthew 16:27

Hangjingne hi-ngao aopeco kahtawe mongpuwe yepci, hüpoi kahtalanne Ujao Yaha-e henge Kahwang mepu ngao.

—II Peter 1:21

Hangjingne Ngaolai üshei Kahwange yuwetam hüyange tüopaa ütingpa, ümeng jingne teetampu, püopu tingtampu, hüyange ütingpa üyin ngohlak jingne tingetamme nyaolak jingne shunang.

—II Timothy 3:16

“Üyin phapuwa Yaha ngohnang; meiyce hangmeo yejam. Taowe numante hanghe ngao ngaoyangki Yaha hüyange üyin ngao ngohnang.”

—John 6:63

“... Wangdang me ngohpu Opa, nang min Üjao hüna, nang ahngching peikei, wangdang me hangke ngoh, kahtok nyume nange mongpu kih lingyah. Tenyih tomante toman nyihjei hahlak yakei. Tomaneo mih ümeng winyangki, hatüokih toman ümeng winpha; hüyange toklak jingne toman tahwoi, hüyangpoi ümengpa mepu toman tükyah. Hangjingne numan mih ümeng winmaa, numan wangdang üpawe numan ümeng winlak; hüyangpoi numane mih me ngohpu iman ümeng yewinkümaa, numan üpaweo numan ümeng yewintamlak.”

—Matthew 6:9-15

Text has been reprinted from the New Testament in Konyak Naga by permission of the Bible Society of India.

---

For more information or to request a free Bible study, please write to:

WMP  
India Bible Literature  
67 Beracah Road  
Kilpauk  
Madras 600 010

Assam NE Nagaland Mon

95K

NBE

226

✓